

اداره مخصوصه

درسعادتده ياب عالی جو ارنده

محل ادازه :

# مستطاب افق

۱۳۲۶

اخطار :

مسلكمزه موافق آثار جديده مع المنونيه

قبول اولنور

درج ايده ياب آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسي و كرك اجتماعي و مدني احوال و شئون اسلاميه دن بحث ايدر و هفته ده بر دفعه نشر اولنور.

صاحب و مؤسساري :

ابوالعلا زين العابدين — ح. اشرف اديب

درسعادتده نسخه سي ۵۰ پاره در

تاريخ تاسيسي

۱۰ تموز ۳۲۴

قبراه دن مقوا بورو ايله كوندر بليوسه سنوي  
۲۰ غروش فضله آخير

هر طرف ايچون  
سنه لكي ۸۰  
آبونه بدلي ۴۰  
التي آياني ۴۰  
غروش »

عدد : ۵۴

۱ رمضان المبارك ۳۲۷ پنجشنبه ۳ ايلول، ۳۲۵

اوچنجي جلد

کره اونلری قالدیرملی. متلری کوزله او قومی. فقط لغت و ادبیاتله برابر او قومی.

او حاشیه‌لر، تعلیقاتلر نهدر؟ بیلمدیکمز برلسانک قواعدی حقنده یازیلمش تنقیدات. اولا بر کره لسانی بیلملی.

— ای اما بز عربجه او قوم یورزه. بلکه عربی لسان اوزره یازیلش بر طاقم فنون او قیورز — دینیور. بونه دیمک؟ بز کتابی کتاب اللهمزی بیلمیه چکزمی؟ دنیا ده هیچ بر قوم یوقدر که کتابی بیلمسون. تورانی یهودیلر بیلمیر، چونکه کندی لسانلریله یازیلش. قرآن کریم بزم لسانمز اوزره نازل اولما شدر. او حالدله ترجمه ایدم. بیلمدیکمز برلسان واریا، اولسانه ترجمه ایدم. ترجمه ایچون نه لازم؟ عربجه بیلمک، اکر عربجه بیلمنمزه ای ترجمه ده اولماز. بناء علیه علمانک عربجه بیلمسی ضروری.

شو حالدله «بز عربجه او قوم یورزه، عربجه یازیلش فنلری او قورز» سوزی سوزمی؟ ادبیاتی او قویه جغزه، قواعدینی متوندن بلله به جکزه. ایجاب ایدرسه بعض شرحلر او قورز. حتی بکا قالیرسه طلبه کندی کندینه شرحلری مطالعه ایتملی. ذاتا اسکیدن او یله ایدی. بیلم نصل اولمش ده متن بر اقلمش شرح او قونمغه باشلامش.

نه تحف حاله کلمش: اولا بر شرح، سوکرا بر حاشیه، بر حاشیه دها. سوکرا بر تعلیقات، بر تعلیقات دها. . . . بویله بر کتابی انحق بش التی سنده او قویه بیلیرز سوکرا: بو کتابدن نه آکلادک، نه کبی مسائل او کوندک؟ — دیه سورسه ک، هیچ بر شی یوق. بوندن ماعدا عربجه، بر بیتک بر مصراعنی کلامق شانندن دکل. چونکه بتون زمان مناقشاتله کجدی. عصام شویله دیدی، عبدالغفور بویله دیدی، یوق بیلم کیم بوراده «فاهم» دیمش. وجه تفهم نه ایمش؟ هپ دیمش دیمش. هپ قال، قیل. یک اعلا، فقط بز نه او قویه جغزه؟ عربجه تنقیداتی می؟ اولاد ادبیاتی بیلمه یز. هنوز قواعدینی او کونمکه جالیشیورز. شیمدی عبدالغفورک، عصامک صیره سی می؟

یا هو! بونلر نهدر؟ انسان دوشونمک لازم کلزمی؟ بری بر متن یازمش. قواعدی خلاصه ایتمش. تحصیل لسان ایچون قولایلق یایمش. سوکرا بری چیقمش او متنی تنقید ایتمش. ایده بیلیر. سوکرا بری دها چیقمش او تنقیدی تنقید ایتمش. یک اعلی، بوده بر مباحثه دره وارسونلر قواعد متخصصلری او غراشسونلر. طبیعی بو تنقیدات او قواعدک فلسفه سی دیمکدر. بونلرله اشتغال ایده جک ائمده بولنه بیلیر. فقط هنوز لسان او کونمکه باشلایان بر آدمک قواعد فلسفه سیله، عصام عبدالغفور قاوغاسیله وقت کچیرمی طوغروسی هیچ عقله صیغماز برشی. بو، چوق غریب در.

یوق، اعتراضکمز وارسه سویلیک. بز متن او قویه جقدق. نه بلله به جکدک؟ قواعد. نه به عاند؟ عربجه به. یکی او قویه لم. بولازم. فقط سوکرا او قواعد اوزرینه بر کتاب یازیلمش. واقعا بر شرح، اما اوده تنقیددن عبارت. چونکه اعتراضلر، جوابلر، قیللر طولو. سوکرا اونک اوزرینه حاشیه لار وار. بونلرده فلان شویله دیدی،

تمثیل ایتدیلر. شمائل علیه کی پیرایه زبان وخامه ایدن واصفونک ذکر و حکایه ایتدکری اوصاف انحق صوده کورونن اشکال و صور کواکبه بکزرکه صویک کوستردیکی عین نجوم اولیوب مسافه بیده دن عکس ایدن شکل و صورتلری اولدینی کبی انلرک ذکر و حکایه ایلدکری اوصاف دخی سنک حقیقت صفاتک دکل، بلکه خواص واصفیای امتکه عکس ایتمش اولان صورتلریدر. سنک حقیقت ذاتک کبی حقیقت اوصافی ده یالکمز جناب خلاق علیم بیلور.

بیان اعراب و لغات: [انما مثلوا] نك ضمیری سیاق کلام دلالتیه واصفونه راجعدر. تمثیل ایله مراد تصویردر. [کما مثل] ده [ما] مصدریه در. وجه مصدر مخدوفه صفت اوله رق [تمثیلا] مثل تمثیل الماء النجوم [تقدیرنده در. [النجوم] مفعول، [الماء] فاعلدر.

برکت زاده: اسماعیل حتی

بقیه سی وار

هامش — مناقب سنیه نك کجکی ترتیبده بر ایکی سطر اتلامش [خبین] علتته دائر مثالده [بعدا لاسقاط] ترکیبندن [کف] علتک مثالنده کی [بعدا لاسقاط] ترکیبنه کچلمش وارده یرده کفک تعریفی ایله مثالی بر اقیله رق ایکنجی علتک شکل و صورتی برنجی علتک شکل و صورتنده کوسترملک کبی بیوک براغلو طه حصوله کتورلمش بناء علیه عبارته نك اصلی بروجه آتی ذکر اولنور:

«مثلا فاعلاتن جزئندن النی و مستفعلن جزئندن سینی اسقاط ایتمک کبی که بعدا لاسقاط اولکیسی فاعلاتن اولور. و ایکنجی متفعلن قالدقندن صکره مفاعلهن جزئنه نقل ایدیلور. کافک قحی وفانک تشدیدله کف: یدنجی حرف ساکنی اسقاط ایتمکدر، مثلا فاعلاتن جزئندن تونی اسقاط ایتمک کبی که بعدا لاسقاط تانک ضمیله فاعلات قالور، فقط متحرک اوزرینه وقف اولنمیدینندن بحر خفیفک التبعی جزئندن یدنجی حرفی اسقاط ایدلر.». ا. ح.

کتب کلامیه نك احتیاجات عصره کوره اصلاح و تألیفی

بین المسلمین مذاهب مختلفه نك توحیدی

مدرسه لرده تدریساتک اصلاحی

مقرری	مابعد	محرری
موسی کاظم	ح. اشرف ادیب	

شیمدی مدارسمزک اصلاحی جهته کلنجه، او دوشونولمکده در. الیورکه سز اصلاحک لزومی تقدیر ایده سکز. [طلبه: — بدیهی بر حقیقت. اصلاحنه غیرت اولنمنی رجا ایدرز] سز مخالفتده بولنور. سه کز بزده برشی یا پیمایه جغزه. سز بونی تقدیر ایدک. بز بو اصلاحاتی پایه جغزه. هرشیدن اول بو اصلاحاتی یا پیمغه مجبورز.

بو کون، ظن ایدرم که علوم جدیدده دن مدارسه هیچ اولمازسه بش التی درس قویملی. شیمدی به قدر تعقیب ایتدیکمز اصولدن بر چوقلرینی تعدیل ایتملی. مثلا: حاشیه، حاشیه اوزرینه تعلیقات ... بر

شوحالده فرض ایده لم بزم دینزه مخصوص اولان لسان عربجه در. یکی، نه دیمک ایسته نیور؟ مادام دیانت اسلامیه مخصوص لسان عربجه در، حسب الدیانه باشقه لسان تکلم اتمیه جکزمی؟ « اتمیه جکزمی » دینیورسه او حالده بز آثم اولدق. بونی هانکی عقل، هانکی منطق قبول ایدر؟ هانکی آیت، هانکی حدیث بونی سویلر؟ ایسته ترکیه نه ایسه فرانسزجه ده انکلیزجه ده اودر. اوده عربجه نیک غیری برلسان در. ترکیه جائز اولیورده انکلیزجه نه دن جائز اولماسون. کذلک جامعده ترکیه لسانله درس اوقونیور. کنه اولیورمی؟ خایر. یکی فرانسزجه سویلسه نه اولور؟ عربجه نه نسبتله ترکیه نه ایسه فرانسزجه اودر. فرانسزجه باشقه برشی می؟ شوحالده نه دن مدرسه ده اجنبی برلسان تحصیل ایدیلمسون؟ ترکر مسلمان اولمش، ترکیه ای اولمش، دینرسه ایچنده مسلمان اولیانده چوق. ایسته جین بتون ترکر. حالبوکه اکثریسی مشرکدر.

دیمک که لسان مسئله سنی دینه قاریشیدیرماملی. دین باشقه، لسان باشقه. بونلری تفریق ایتلی. چونکه هم عیب در، هم ده کولونج اولور. بوراده تعصب، اظهار جهالتدن باشقه برشی دکدر.

صوک

### قبرستان

خارجیه میزلرندن ادیب محترم فریدیک افندی طرفندن اهدا بویورلمشدر.

ای مبدأ وجودک سرحد انتهاسی،  
ای سافلینه حقه دنیاده سوک نداسی؛  
ای چهره شتونک چین چین حزنی،  
ای کائنات حزنک سوزشلی بر بکاسی!  
فکرجه وارسه سنسک مختصرای دهرک  
آزاده غوائل برجای دلکشاسی.  
بر مجلس قضاک، حکمکه منعقددر  
بو جنک بی مالک صلح ابد ناسی.  
ای نشوونک، غمومک ماوای واپسینی،  
ای جوشش و سکونک آغوش التجاسی.  
بحث حقیقتکدر مهوت ایدن جهانی  
ای مبدأ و معادک میدان التقاسی.  
دالغین نظرلرکدن جوشان اولان مالک  
منسیت عدمدر مرآت انعکاسی.  
فجرکده منجلیدر برلمه شبابک  
صوک ساعتده جوشان الوان انطفاسی.

فقط بن حقلیم، اودکل، او اکلاماش، طوغروسی بنم دیدیکمدر... تنقیدک تنقیدی، تنقیدک تنقیدینک تنقیدی. فلسفه نیک فلسفه سی، فلسفه نیک فلسفه سنک فلسفه سی...

واقعا بو، یک بوش دکل. لکن بو نه وقت اولور؟ بر کره لسان بیلملی. سوکرا بونلر مطالعه کتابی اوللی. اصول تنقیدی، دها طوغروسی اصول انتقادی او کریمک ایچون بر طاقم فلسفه دوشونمشلر، بونلری ترتیب ایشلر. مقصدی بیلملی ده اوکا کوره تحصیلده بونلی. هر شیک صرهمی وار، زمانی وار، فقط مع التأسف بز بصره بی، بوزمانی بیامیورز.

ایسته انک ایچون عربجه بیلمیورز. بر بیت کلیر، شاشوب قالیرز. نه عبدالغفور دن امداد وار، نه عصامدن، هایدی قاموسه مراجعت. لغتاری حل ایده لم. اونکده آرامه سی ایچون بر چوق زمان غائب ایدیورز. نه ایسه بولدق. فقط او یمايور. تحف شی. چونکه اولغی لایقیده اکلامق ایچون ادبیات لازم.

خلاصه بودرسلری اصلاح ایتلی. متلرله برابر لغت و ادبیات اوقونلی. سوکرا لایقیده فقه اوقومایورز. زیرا وقت بوله میورز. تفسیر، حدیث... اونلره هیچ اهمیت بیله وی میورز. بونصل تحصیل؟ بویله شی اولماز.

بوتون طلبه بریره کللیسکز، بونلری دوشونملیسکز. ایسته بواجتجاجی سزه سویلیورم. سزده دوشونلی. بوحاله نهایت ویرملی. چاره لر تحری ایتلی. مثلا مصرده کوزل پروغرام یا میشلر، اونی کتیرتملی. فصل یا میشلر، او پروغرامی کورملی. دوشونلی، احتیاجات حاضرده کوره بر پروغرام ترتیب ایتلی. بر کره بو عربجه جهتی تأمین ایتلی، سوکراده فنون جهتی سوک درجه نظر دفته آملی. — ای اما بز فصل کچه جکزمی؟

اوجهتی بز دوشونه جکزمی. اوراسی سزه طاندکل. امین اولوکنز سزک حاصلانکر یک چوقدر. فقط اونه کنک، بریکنک النده قالمش. طلبه نیک محضات و فیه سی کنیدلرینه تمامیه ترک اولنسه بشیک طلبه وارسه ظن ایدرم اوچر ایرا دوشر. بوندن، باشقه ملتکده سزه قارشی فدا کارلق کوستره چکی محققدر. الیررکه سز بر موجودیت کوستره سکز. یوقسه استقبال امین در. بالکز سزه طاند شی، بو احتیاجی بیله رک بونی دفعه چالیشمق در.

سوکرا بر اجنبی لسان لازم در. بو خصوصده تعصب کوسترمه ملی در. باشقه چاره یوقدر. هم بونده بر بآس ده یوق. چونکه معلوم یا — عقلمزوار! دوشونورز — دیانته مخصوص و منحصر برلسان اولماز. مثلا عربجه التي بیک سنه لک برلساندر، دین اسلام ایسه بیک کسور سنه لک بز دیندر. اویله دکل یا؟ برده از جمله کریده مسلمانلر وار، هیچ ترکیه بیلمزلر، عربجه ده بیلمزلر. بونلرک لسانی روجه در. شیمدی بونلر مسلمان دکل می؟ بونلره مسلمان دیمیه جکمی بز؟ سوکرا بز ترکیه قونوشیورز. قرآن کریمک نازل اولدینی برلسان دکل بو. قونوشایه لم، « اولورمی؟ سوکرا عرب یهودیلری عربجه قونوشیورلر. فقط دینلری اسلام می؟ خایر.